



CANTIC AR GANANEEN.

AR GANANEEN.

MAB da David, dre excelanç,
Dre c'hraç ho pet ouzòn truez ;
Gant eur fe crén va oll esperanç
A lacàn en ho madelez ;
Güir eo e zoun ur Gananeen ,
Mes quittêt emeus Tyr, Sidon ,
Renoncet emeus cren da Satan
Evit adori Doue güirion.

Va merc'h a zo meurbet afflijet ,
Hep caout eur moment a repos ;
Possedet eo gant an drouc-speret ,
P'ini e zourmant deiz ha nos :
Autrou, na vezit qet insansibl
Eùs e foan zo quer violent ;
Rac deoc'h ne zeus netra impossibl ,
Pa zoc'h mab d'an Oll-buissant .

Caëc oc'h eus sonjal va rebuti ,

O tisprizout entent ouzin ,
 Me soulajo va mesmerenti ,
 Eus oc'h heuill hirra ma illin .
 Me esper , dre va ferseveranç ,
 Va feiz , va importunité ,
 Ho contraign ur vech , hep résistanç
 Da barea va infirmite .

Ebestel santel , me ho suppli
 Da bedi ho Mestr ividòn .
 Ma neus pareet meur a hini ,
 Ne disprizet qet ac'hanòn ;
 Na fel qet dezàn distrei ouzin ,
 E guein a dro dîn-me souden ,
 Ha ne glasq nemet ober mez dîn
 Elec'h soulagi va anqen .

AN EBESTEL.

Jesus a zisque , dre e zilanç ,
 Neus netra da accordi deoc'h ,
 Na ne rit mui dezàn violanç ,
 Na importunit-àn pelloc'h .
 Meritout a rit beza blamet ,
 Crial er guis-se var e lerc'h :
 Lest-én en peoc'h ha paciantet ,
 Hac it da gonsoli ho merc'h .

AR GANANEEN.

Re vrás e zeo va affliction
 Da lavaret sur e tafen :

Ne meus na mez na confusion.
 Evit crial var boez va fenn.
 Ma na accordit din va reqet,
 O presanti dezàn va c'hlêm,
 Me hoc'h heuillo hep manqout camet
 Betec porchet Jerusalem.

AN EBESTEL DA ZOUE.

Autrou, ar vreg-mâ incomparabl
 A gri hac a ouel var ho lerc'h,
 O c'houlen gant ur feiz admirabl
 Eur c'hraç benac evit e merc'h
 Zo tourmantet gant an drouc-speret :
 Delivrit-y, mar plich gueneoc'h,
 Ma voezo e famill dezolet
 En eus an ifern spont razoc'h.

Seulvui m'e c'hourdrouzomp da devel
 Ha d'hon lêzel da vont en hent,
 Gant aon na deufac'h d'e dilêzel,
 E cri huelloc'h eguet qent:
 Ho pedi a ra hac ho pressi,
 Implich a ra peb seurt moyen
 Da zonet erfin d'oc'h angagi
 Da gaout truez ouz e anqen.

DOUE.

Va Zad en deveus va digasset
 Trezec ar bobl a Israël,
 Pera bенac ma zint obstinet,

Ingrat, infidèle ha cruel.

Ne deo qet deuet c'hoas an amzer

Da entent eus ar bayanet ;

Mes tenna fell din eus a zanger

An danvad am boa dianqet.

AR GANANEEN.

Autrou, mezi, p'ini a adoràñ

Humpla ma zeo possubl din ,

A nevez flam en ho suppliàn

Da gaout compassion ouzin ;

Recour a illit din va buez ,

Ha lacat fin d'am oll dourmant :

Va zicourit dre ho trugarez ,

Pe me varvo gant nec'hamant

Da ur sant Mathurin qen ingrat ,

Da ur Vadalen debordet ,

Da ur vreg clàñ gant ar flus goad ,

Oc'h eus accordet o reqet ;

Nemèdòn-me, ta, Cananeen ,

Ne vezo gueneoc'h refuset ;

Abalamour ma zòn payanez ,

Em lest en preis d'an drouc-speret .

DOUE.

Greg, ho merc'h a zouffr ur sort anqen ,

En punition d'e fec'het ;

Mes ne lezin qet va judevien

Evit trei ouz ar bayanet .

Da nicun maro na zeziràn ,
 Ne refuzàn den eus va c'hraç ,
 Mes un dra injust bras e cafen
 Rei bara bugale d'ar chass.

AR GANANEEN.

Autrou, emezi, guir a leret ,
 Ne veritàn qet ho para ;
 Mes dre ho madelez infinit ,
 Roit din ar bruzun anezâ ,
 Pera benac ma zoun payanez ,
 Plijet ganeoc'h ma testumin
 Dindan ho tol, evel ur guiez ,
 Ar bruzunadou a guivin.

Ne c'houlennà nemet ar bruzun
 A goe eus ho tol d'an douar ,
 Pere na refuzac'h da nicun
 Deus oc'h anevalet brutal .
 Me fel din en em humilia
 D'ho treid, a gorf hac a speret ;
 Ha ne scuizin qet d'ho suplia ,
 Qen n'am bezo bet va reqet.

DOUE.

Greg , ho fe hac ho perseveranç
 Ho cri, ho c'huanadou hir ,
 A deu da drec'hi va résistanç :
 Bezet grêt erves ho tezir.
 Calz mui eguedoc'h-hu e caren

Guelet ar fin eus hoc'h anui ;
 Mes ur plijadur vras e cavàn
 Clêvet tud humbl ouz va fedî.

Gant un êr rust e comzen ouzoc'h ,
 Evit hoc'h approuv güel a ze ,
 Petra benac n'am boa sonch ouzoc'h
 Gant truez eus hoc'h adversite ,
 Evit va gloar hac en ho profit
 Emeus grêt van d'ho refusi ,
 O tisquez deoc'h ne ell den gounit
 Ar victor anez combati .

Ne garàn qet un ene clouar ,
 A deu prest d'en em relâchi ,
 Hac a goe e gourach d'an douar ,
 Pa zaleàn d'en exaudi .
 Goulennit, pedit, importunit ,
 Pa vezoc'h en hoc'h orêzon ;
 Evel se e cresqo ho merit ,
 Hac e c'honefet va c'halon .

Calz tud a ziles o fedennou ,
 Pa fel din exerci o fe ,
 Ha pa guzàn va sclêrigennou ,
 Evit ma clasqfont guel a ze ;
 C'houi a zisquelo , dre ho ferveur ,
 Ho fe hac hoc'h humilite ,
 Ne eller accordi nep faveur
 Nemet dre importunite .

It en peoc'h, ha sec'hit ho taelou,
 Obtenet oc'h eus ho reqet;
 Ho merc'h a voar dija ar c'hêlou :
 Yac'h eo a gorf hac a speret.
 Ouspen m'am eus roet dei yec'het,
 Roet emeus graç deoc'h ho tiou ;
 Mes tec'bit a doues ar bayanet,
 N'adorit mui o dôueou.

AR GANANEEN.

Autrou, ho trugarecât a rân
 Demeus hoc'h oll madelezou ,
 Oc'h anavezout a zezirân ,
 Hac heuill hoc'h oll gourc'hemennou .
 Ra deui an ælez eus an ênvou ,
 Ra deui an dud yaouanq ha coz
 Da gana hoc'h oll meuleudiou
 En douar hac er barados.

Neuze gant e merc'h voa eruet :
 Va mam, echu va nec'hamant ;
 Ar yec'het a zo dîn-me rentet ,
 Ne meus mui aon deus va zirant ;
 Chasseet ez eo pel diouzin ,
 Mes piou eo va liberateur ?
 A vijen e garet a fel dîn ,
 Hac e servicha gant ardeur .

Ar guir Vessi, pini zo deuet ,
 Zo, va merc'h, ho madoberour ;

Ennes en deveus ho telivret
 Deus a c'hrifou hoc'h adversour.
 Eur beden aroset gant daelou
 A zo agreabl bras ðezàn ,
 Na n'en eus qet a greoc'h armou
 Evit triomphi anezàn.

Consacromp' hor c'horf hac hon ene
 D'ar Roue bras deimeus ar bed ;
 Evit nep poan nac adversite ,
 Ne scuizomp qet eus e garet.
 Ne dransgressomp qet e lezennou ,
 Bezomp ato fidel d'e c'hraç ,
 Ma elfomp oll, goude hor poaniou ,
 Er guelet en eê faç-à-faç.

FIN.

